

Dernière & bonne Édition.

juin 1863. 613 A et



EXEMPL HA PUNITION

*Eus a eur Plac'h Yaouanc, pehini e
deus bet argrueldet da laza e févar
C'hrouadur, condaonet da veza
crouquet ha dévet erguéra Roazon.*

Var eun ton nevez.



SPERET-SANTEL, m'ho ped da rēi din allumier,
Ar c'hraç da gomposi eur Verz spirituel,
Eun exempl a zo güel drist hac eur melezour patant,
Ma rēi reflexion varni an dud yaouanc.

Er blavez mil seiz cant ha tri ha daou-uguent,
An decvet a vis du, evit r  i da entent,
En escopti a Roazon, en dreo eus a Zant-Gloda,
Ec'h   ruas eur maleur a ra d'an oll crena.

Eur femelen yaouanc, a lignez enorabl ,
Eus a dud pinvidic abers mam, abers tad ,
A hanas daou vuguel; er moment e voe tentet
D'o etrangli o daou, hep beza badezet.

O c'heuill eur guzul fall e qemeras eur bal ,
E yas da gorn ar parq d'ho flanta en douar :
Mes Doue oll-buissant en deveus bet permetet
Dre eun aneval brutal m'   ar c'hrim anavet.

Retorn a ras d'ar gu  r da guz e fallenti;
He zad he remercas hac a c'houlas outi :
Vamerc'h pelec'hoc'h-u bet? goal chenchet bras hocav  n
Diouz al liou a zouguit e seblant ez oc'h cl  n.

Respong a ras d'e zad ganteun   r indifferent
Me a vezo exempl da galz a dud yaouanc :
Va huez a verito beza partout publiez,
Ma r  i reflexion varni calz a blac'het.

He zad ouz e c'hlêvet a ras reflexion
Var he oll broposiou a douche e galon.
Ha possubl ve ta, va merc'h, even bet ouz ho mezur;
Em be eur c'hrouadur da rî din displijadur!

Da ben pêvar devez me d'oa grêt he zorfet,
He zad a yas d'ar parc da guerc'hat e leoned;
P'antreas voe estonet o velet eun aneval
E tenna'n daou vuguel armês eus an douar.

Eus a zeiz crouadur e deus bet va fried,
Ne meus nemet unan oun ganti glac'haret.
Lavaret mat e voa din em bije sur calonat
Diouz va merc'h libertin, abret pe divezat.

Redec a ras d'ar guêr n'eur goler ar vrassa,
Ma qemeras eun hach en avis he laza;
Mes pa zònjas sqêi ganti, e ael mat e inspiras
D'arrêti e goler, hac e verc'h a dec'has.

Qüittât a ras an ty da vit he daou buguel,
Hac o facas o daou ebars e davancher,
Hac en em rentas gante e ty'n autreou Senechal,
Da zisclêria deàn he zorfejou barbar.

An Autrou p'e c'hlêvas a voe bras estonet,
A chomas ouz e dol evel eun den manret;
Ar bluen demeus e zorn a goeas crac digantâ;
Pa vel an daou vuguel e commanç da vouela.

Penos, miserables ! ec'h eus bet ar galon
Da laza daou vuguel hep caout compassion?
Eur bunitiōn güell vrás a c'heus-te sur meritet,
Hac a vo hep dale ec'h enep prononcet.

An autrou Senechal agommānd d'eur serjant
He laqat er prison neuze souden vatant,
Ergüer demeus a Roazon hadindan seitec devez
E voe grêt he arrêt ha jujet he froces.

Pa voe interrojet, ar justic a estone
O clêvet ar plac'h-mâ e tisclêria he bue,
O velet peguer secret e cuze he oll c'hrimou;
Nemet puissanç Doue n'anavee anezo.

Eus a bemp crouadur a meus lajet er bed,
Nemet unan zo beo ; pèvar e meus lazet :
Den sur n'en deveus santet va oll c'hrimou execrabl,
Nemet sur an daou-mâ en deus gouezed va zad.


Ar c'henta , meus ganet e qichen qêr Vitre ,
A dolis er rivier pa voe ganet gane ;
Hac an eil a voa maro a ben ma teuas er bed ,
A blantis er bern teil en parc va amezec .

Ha nemet an drede zo chomet en bue ;
Entre Kermaria e voe ganet gane ,
Er c'hassis prest d'ar porchet , hac eno e voe cavet
Gant daou zen ancien o treimen ar vêret .

Neuze voe condaonet da veza divisqet ,
Laqet en he c'herc'hen eun invis roussinet ,
Flac an amand enorabl a râncas ive da ober
Gant eun torch allumet dirac ilis Sant Pêr .

A dal ilis Sant Pêr bete ma voe rentet
En quichen ar potanç , true voa e c'hlêvet
O ouela , o teplori , o c'houlen digant Doue ,
Eus a greiz he c'halon barados d'e ene .

Cri vije ar galon en Roazon na ouelje ,
O clêvet ar plac'h-mân penos e prezegue ;
Hapa bignas d'arpotanç e c'houlennas an amzer
Da instrui'r yaouanqis he asiste da vervel .



REFLEXION.

ENTREZOC'H, tud yaouanc qement zo o clêvet,
Comprendit er maro zo din-me preparet ;
Evit va oll bue fall ha va dizoboissanç
E ranqàn mervel mezus, sivoas, ouz eur potanç !

—
Me zo eur plac'h certen a voa elevet mat ,
Disqet en pep fêçon gant va mam ha va zad ;
Demeus a zeiz crouadur int am c'harie ar muia ,
Me ra bremàn deze var o zreid dizec'ha .

—
O ren va unec vloas e voen-me recevet
Gant person va farres , gant enor ha respet ,
Da ober va c'homunion etouez ar vugale ;
Pemp bloas e meus bevet en carante Doue .

Da ben va c'hoezec vloas e voen bet debochet
Gant diou plac'h libertin bac o c'hamaradet ,
Ma yén-me gante bemnos ha da'r bal ha d'an dançou :
Va mallos a bedàñ gant an nep a heuillo.

Tadou , ha c'houi , mamou , mestrou ha mestrezet ,
Instruit ho pugale hac ho tomentiqet ,
N'o lezit qet da vonet da nep seurt assamble
Na vezò tud honest en compagnuez gante.


Me zo hirio , sivoas , melezour digor franc ,
Diouallit diouz ar bed , entrezoc'h , plac'het yaouanc ;
Pedit Doue d'ho sicour hac e Vam sacr ar Verc'hes
Da bellât diouzoc'h ar goal gompagnuez .

En em recommandi a ràn d'ho pedennou ;
Pedit Jesus dre e c'hraç d'am receo er joayou ;
Mont a rancàn d'ar maro , pa e meus er meritet ,
Pardon a c'houlennàñ ouz qement zo o clèvet .

Qüittât rân ar bed-màn leun a dristidiguez :
Va Jesus adorabl, ho pet ouzin truez !
Mervel rìn ouz eur potanç, ha va c'horf paour vo dévet !
Al ludu aneàn gant an avel strinquet.

Comprendit va bue, entrezoc'h, bugale :
Oboissit d'ho tud, balamour da Zoue,
Hac e vezot sur eun deiz oll da vea curunet
Gant Jesus en e c'hloar en pales an Drindet.

FIN.



E Montroulez, e ty LÉDAN, ru ar Pave.